

## بِسْمِ اللّٰهِ الرَّحْمٰنِ الرَّحِیْمِ

Već punih sedamnaest mjeseci Islamska Zajednica Bošnjaka u Njemačkoj (IZBNJ) nalazi se u teškom stanju, posebno odkako su u javnost izašle činjenice o finansijskim malverzacijama i samovolji pri realizaciji akcija kurbana, zekata i sadekatul-fitra od strane dotadašnjeg glavnog imama Mustafe-ef. Klanco. Nakon što organi IZBNJ nisu pokazali dovoljno volje da ovo mučno stanje riješe i Islamsku zajednicu oslobode ove sramote, više uglednih članova IZ-e (imama, predsjednika i članova džematskih odbora kao i sabornika) odlučilo je dignuti svoj glas protiv očitih povreda temeljnih islamskih principa. Zalažući se za beskompromisno poštovanje islamskih načela: istine, poštenja, pravde i emaneta, a u potrazi sa rješanjem ove krize, održana su do sada dva neformalna sastanka: u Darmstadtu, 19. 10. 2008. god. i u Bonnu, 23. 11. 2008. god. Na ovih sastancima identificirani su ključni problemi i organima IZBNJ i IZ u BiH upućeni konkretni prijedlozi za njihovo prevazilaženje. Ove aktivnosti i nastojanja za popravkom stanja u Zajednici nazvali smo *Inicijativa za promjene*.

Na drugom sastanku održanom u Bonnu, nakon rasprave o aktuelnoj situaciji unutar IZBNJ i analize zadnjeg zasjedanja Sabora IZBNJ, održanog u Ulmu 08. 11. 2008. godine zauzeti su stavovi i doneseni zaključci po ovim pitanjima. Tom prilikom članovi *Inicijative za promjene* su se složili da izdaju sljedeće

### SAOPŠTENJE ZA JAVNOST

1. Islamska zajednica Bošnjaka u Njemačkoj prolazi kroz opasnu moralnu krizu. Povjerenje u organe i institucije Zajednice je iz dana u dan sve manje. Dosadašnji pokušaji rješavanja problema od strane krovnih organa IZBNJ-e a sve po principu "guranja smeća pod tepih" su polučili potpuni neuspjeh i kontraefekat. Ogroman broj uglednih članova Islamske zajednice (imama, predsjednika, sabornika i drugih aktivista IZ-e) iskazuje svoju nevjericu, zaprepašćenje i revolt nakon saznanja da su takve stvari mogle uopće da se dogode u instituciji koja treba da bdije nad istinom i moralom Allahove Knjige.

Zato kao jedini ispravan put tražimo da se beskompromisno istraje na poruci ajeta iz Kur'ana Časnog: "*O vjernici, budite uvijek pravedni, svjedočite Allaha radi, pa i na svoju štetu, ili na štetu roditelja i rođaka, bio on bogat ili siromašan, ta Allahovo je da se brine o njima! Zato ne slijedite strasti - kako ne biste bili nepravedni. A ako budete krivo svjedočili ili svjedočenje izbjegavali, - pa, Allah zaista zna ono što radite.*" (En-Nisa', 135)

2. Do ovakvog teškog stanja su dovele malverzacije i zloupotreba položaja od strane Mustafa-ef. Klanco. Lista nepravilnosti, zloupotreba, samovolja i malverzacija u njegovom dosadašnjem radu je velika. Podsjećamo samo na neke:
  - realizacija kurbana namijenjenih BiH u Australiji a ne kako se to govorilo u BiH, i to po trostruko manjim cijenama od uplata i u potpunoj tajnosti bez znanja i najbližih saradnika od 1997. do 2003.god.

- ostavljanje sredstava stečenih na takav način na privatne račune i tajne fondove poznate samo Mustafi ef. Klanco.
  - Uništavanje službene dokumentacije IZ-e, uz pomoć koje bi se danas moglo ustanoviti činjenično stanje.
  - Manipulisanje sa raspodjelom sakupljenih sredstava od Zekata i Sadekatu-l-fitra, namijenjenih za potrebe IZBNJ.
  - nepostojanje relevantnih službenih izvještaja o akcijama kurbana, Zekata, sadekatu-l-fitra kao i ostalih humanitarnih akcija.
  - Apsolutna samovolja u trošenju sredstava Zajednice, kao što su razne pozajmice, hedije, honorari, dnevnice, reprezentacije, itd.
  - I na kraju, samovoljna izmjena Statuta, najbitnijeg dokumenta - Ustava IZBNJ bez odluke Sabora kao najvišeg tjela IZ-e u Njemačkoj, a sve kako bi sebi omogućio izbor podobnih ljudi za sastav Mešihata.
3. Zbog ovih i mnogih drugih razloga tražimo neopozivu ostavku Mustafe-ef. Klanco a od Sabora izglasavanje nepovjerenja istom i njegovu bezuvjetnu smjenu sa funkcije Muftije i predsjednika Mešihata IZBNJ.
  4. Sadašnji sastav Mešihata je, sa aspekta izbora i načina na koji su isti održani u Wiesbadenu 22. 04. 2007. godine, nelegalan i nelegitiman. Iz tog razloga nijedna odluka Mešihata za nas nije obavezujuća. Članovi Inicijative za promjene će ustrajati na zamrzavanju svojih odnosa sa Mešihatom, posebno finansijskih transakcija, dok se stanje u Zajednici ne sredi. Sve akcije finansijske prirode kao što su Kurban, Zekat, Sadekatu-l-fitr i sl. džemati će samostalno uplaćivati direktno u Rijaset IZ-e u BiH.
  5. Pozdravljamo odluku Sabora IZBNJ donesenu na posljednjoj sjednici u Ulmu, za ponovnim raspisivanjem izbora za predsjednika i članove Mešihata. Od Sabora izričito tražimo da se zbog svega gore navedenog, a što je u suprotnosti sa načelima časnog islama, Mustafi-ef. Klanci uskrati pravo kandidiranja na ovim izborima.
  6. Izražavamo svoje nezadovoljstvom nad činjenicom da na zadnjoj sjednici Sabora nije odbijen Izvještaj revizorske komisije i nakon što je član ove komisije Ramiz-ef. Memiš argumentovano dokazao da komisija nije valjano odradila svoj posao nego samo pokušala da prikrije i zataške sve malverzacije koje su godinama ranije rađene. Ovaj izvještaj je na predhodnoj sjednici bio usvojen bez valjane diskusije, a prilikom njegovog usvajanja nije postojao ni kvorum, što je registrovano i zapisnikom. Stoga tražimo da se ova komisija proširi sa imamima koji su u spornom periodu obnašali dužnosti oblasnih imama zbog njihove upućenosti u problematiku, te da se svedu finansije pojedinačno za svaku godinu. Saboru IZBNJ-a stavljamo do znanja da, radi emaneta koji imamo prema vakufskoj imovini, od ovih zahtjeva nećemo odustati.
  7. Članovi Inicijative za promjene će o onome što se dešavalo i što se još uvijek dešava u IZBNJ-a obavijestiti svoje džemate kao najvažnije ćelije IZ-e, a putem sredstava javnog informisanja i širu bošnjačku javnost.

8. Upućujemo poziv Rijasetu i Saboru IZ-e u BiH, a posebno reis ul-ulemi dr. Mustafi ef. Cerić da probleme u IZBNJ ne minimiziraju, već da se aktivno uključe u njihovo rješavanje.
9. Mi želimo moralnu, zdravu, jaku i efikasnu Zajednicu. Stoga još jednom jasno naglašavamo da sebe smatramo dijelom ove Zajednice, te da nismo "nikakvi pučisti" kako nas se hoće tendenziozno omalovažiti i diskvalifikovati. Ko smo uistinu mi, članovi i potpisnici ove *Inicijative*: imami, predsjednici, članovi džematskih odbora i sabornici, najbolje kazuju rezultati postignuti u našim džematima u dosadašnjem radu.
10. Pozivamo sve imame, predsjednike i članove džematskih odbora da se pridruže *Inicijativi za promjene* i podrže ove zaključke, te na taj način daju svoj doprinos što bržem ozdravljenju naše Zajednice i izlaženju iz ovog, po sve nas šetnog i sramotnog stanja.

Učesnici na 1. i 2. sastanku *Inicijative za promjene* i potpisnici usvojenih zaključaka:

1. h. Idriz Mahmutović, predsjednik džematskog odbora džemata Berlin i podpredsjednik Sabora IZBNJ
2. Mustafa Arslanović, predsjednik džematskog odbora džemata Bonn
3. Dr. Ferid Kugić, predsjednik džematskog odbora IZ-e Stuttgart i član Mešihata
4. Sedad Avdić, član džematskog odbora i sabornik džemata Bonn
5. Duran-ef. Pintol, imam džemata Oberhausen
6. Edhem Kadrić, sekretar džematskog odbora i sabornik džemata Witten
7. Said Avdić, član džematskog odbora džemata Castrop Rauxel
8. Zenahir-ef. Mraković, imam džemata Darmstadt
9. Asim Alihodžić, predsjednik džematskog odbora džemata Witten
10. Siradž-ef. Grabus, imam džemata Heilbronn
11. Jakub Baltić, blagajnik džemata Witten
12. Mustafa-ef. Hadžić, imam džemata Koeln
13. Hasib Šahović, predsjednik džematskog odbora džemata Koeln
14. Advan-ef. Ljevaković, imam džemata Berlin
15. Ramiz-ef. Memiš, imam džemata Duisburg
16. Hasan Mušić, predsjednik džematskog odbora džemata Duisburg
17. Jusuf Julević, blagajnik džemata IZ Stuttgart
18. Adnan Hrnjica, sekretar džematskog odbora džemata Koeln
19. Zejnilović Hamza, predsjednik džematskog odbora džemata Hagen

20. Fadil Jakubović, član komisije VIGB za izradu Statuta, Berlin
21. Ruvejd-ef. Jahić, imam džemata Witten
22. Hamza-ef. Subašić, imam IZ Stuttgart
23. Jašar Osmanović, predsjednik džematskog odbora džemata Castrop Rauxel
24. Rasim Mehić, sekretar džematskog odbora i sabornik džemata Hagen
25. Fadil Durmo, član džematskog odbora džemata Hagen
26. Šefket Zukić, član džematskog odbora i sabornik džemata Mainz
27. Musić Harem, blagajnik džemata Hagen
28. Jasmin Poljaković, član džematskog odbora i sabornik džemata Castrop Rauxel
29. Amer Merdić, predsjednik džematskog odbora džemata Kassel
30. Hfz. Nazif-ef. Ahmetagić, imam džemata Bremen
31. Ibrahim Džankić, predsjednik džematskog odbora džemata Saarbrücken
32. Nihad Mujezinović, sekretar džematskog odbora džemata Aachen

**Dostavljeno:**

1. Sabor IZ-e Bošnjaka u Njemačkoj, predsjednik dr. Bernes Alihodžić
2. Sabornici IZ-e Bošnjaka u Njemačkoj
3. Predsjednici džem. odbora džemata IZ-e Bošnjaka u Njemačkoj
4. Imami u džematima IZ-e Bošnjaka u Njemačkoj
5. Rijaset IZ-e, Reis ul-ulema dr. Mustafa ef. Cerić
6. Sabor IZ-e u BiH, predsjednik Edhem Bičakčić
7. Ured za bošnjačku dijasporu Rijasetu IZ-e
8. Muftijstva i drugi organi IZ-e u BiH
9. Muslimanska informativna novinska agencija - MINA
10. Islamske Informativne Novine - Preporod

Bonn, 23. 11. 2008. god.